



04828




# 抱樸居士墓



武林何璉頌

白洋墓圖

白洋秋圩全圖



白洋里生壙記



西之塚坊佳城既築蓋禩后歸持余與三  
 娶陸氏榮榆莫景尚賒后內之期緣呂生  
 合年通文恰月十七年卜葬於白洋  
 遺愛之念泉本當不疾於心之歲已百  
 年繼胡指此堂於此之東極星霜屢易暴露  
 原醜張屠汪塘構置采

白洋生壙記

一

者為例名白生壙夫葬者藏也形骸既藏  
 生於何有攷壽藏之名始漢末晉梁國兒  
 率妻妾入冢飲酒唐司空圖自築生壙於  
 王官台引客坐壙中酌酒賦詠是皆達人  
 以高致也詩不云虜百歲之後歸於其居  
 又白生則異窳死則同內傳白狐死首邱  
 夫合葬本中古以下之制而齊之心不憚

諄諄為頌禱之詞者蓋誅楚後嗣式徹淺  
土算保游魂遠羈反葬隸期不能不計及  
已朽之骨也余故既築生壙于自封壽昏  
垧佳曰率子弟羣從權小舟於白洋嶺中  
蔭嘉樹藉豐竹飛觴索句頌為他日祭掃  
時添一段清興當亦變禮中應有之舉也  
張子有言生歿順事歿歿宜也是即聖賢

白洋生壙記

二

修身立命之旨也爰為之歌曰居此宮于  
我生之終止其所子窠與同願生順而歿  
宜子蹈禮義之中慕達心也高教子敢以  
疵我躬彼君子之修身而立命子庶幾乎  
天壽不貳心遺風乾隆五十五年歲次庚  
戌四月辛亥朔十有五曰乙丑抱樸居士  
馬緒自記



先考妣墓在海鹽治北二十里之白洋秋圩  
穴居圩之南中有一浜自東南環拱圩心復  
折而西穴倚浜左而少近北坐軋向巽其南  
隔水排兩浜以擁護於巽丙方水自沈蕩西  
來分而為二其一南注與西家橋北來之水  
折而東流一則直東而南稍分於北復南旋  
與諸水合流同趨入於白洋跨圩通行之橋  
凡四東南有東家橋西北有水南橋北有大  
渚橋東有南旋涇橋若夫邱壟之同圩茲土

白洋墓圖說

三

者東北有亡名氏古墓西南為曾外祖層岳  
朱公墓皆與先壟接近至于庵觀村鎮則與  
穴稍遠矣大渚庵在大渚橋之北南涇廟在  
東家橋之東北倪轎廟在北旋涇之東姜家  
村在白洋之北莊施鎮在漢塘之東南此白  
洋秋圩之大概也癸酉夏日男用俊謹識

白洋里墓田丙舍錄

漁邨馬君墓表

海鹽馬君漁邨之歿閱十有二年矣其子韓偉用  
俊來無錫乞余表其墓不可以辭君嘗爲國鑑操  
漁邨其號世居海鹽橫湖里曾祖必奇祖禹昌皆  
有隱德父文豪思貢生以孝行著妣朱孺人生君  
少而孤兄弟二人君其長也甫就塾卽有志於學  
旣爲諸生有名屢試不售乃專肆力於詩清遠閒  
放颯颯乎有唐人之遺所居橫湖里水木明瑟構

墓田丙舍錄文

一

屋讀書其中琴歌酒座翛然自得時錢唐朱青湖  
彭何春渚琪皆工詩君皆與之游遠近遂無不知  
有詩人馬漁邨者君歿以嘉慶五年正月二日年  
六十有二先是君連喪其元配張繼娶胡兩孺人  
卜葬於白洋里之原而自爲生壙君歿後十年其  
三娶陸孺人亦歿國偉用俊等遂啓兩孺人之兆  
而以君暨陸孺人合葬焉君生平內行淳備痛父  
早亡事其母終身孺慕置墓田營丙舍人咸稱其  
孝所著有抱樸居詩稿國偉用俊並以文行能世

其家

嘉慶十有七年秋七月

誥授榮祿大夫

予告刑部右侍郎加一級前浙江布政使司布政使無錫秦瀛謨

抱樸居士傳

抱樸居士姓馬氏諱緒字鑑操號漁邨世居海鹽之瑯城父文豪恩貢生妣朱孺人居士幼孤事母有孝行飲食不親嘗不進中單踰器皆躬自澣滌

墓田丙舍錄文

二

不假手婢媪朱孺人歿居士擇善地治井柳嘗跋履霜雪觸暴風巨浪不辭勞險旣葬置墓田丙舍抱父書栖息其中當秋寒宵靜林木嘯號宿鳥飛鳴驚起輒徘徊孺慕悲吟達旦其至性過人如此少嗜學折節厲志思以功名自顯旣不得志遂棄去帖括以詩稱名於時瑯城去邑治不三舍水木明瑟有袁山松遺址李祥陸東美故居其西爲橫山唐顧况別業在焉居士旣精吟事復擅勝情春秋佳日多與詞人逸老徜徉魚叢花墅間見者或

寫其高致入圖畫暮年閉門教子以文行兼修爲  
勗邑大夫歲舉鄉飲酒禮三聘爲大賓皆辭不起  
卒時年六十有二著有抱樸居詩若干卷世嗣婚  
娶皆詳表誌不具書

論曰予視學浙江門下士來謁多言馬氏園中連理  
木之異並知上舍生國偉用俊孝友化及門內二  
生居士子也其淵源如此蓋所由來者遠矣然則  
居士雖不爲世用潛其德以裕後人者殆信而有  
徵哉

墓田丙舍錄文

三

嘉慶癸酉歲仲春之月

賜進士及第

誥授榮祿大夫工部尚書前浙江學政吳縣潘世  
恩謨

國子舍生漁邨馬公墓誌銘

馬公諱緒字鑑操漁邨其號也世居海鹽長水鄉  
祖諱禹昌鄉徵士有隱德考軼儒先生諱文豪鄉  
進士以孝行著妣朱孺人公少孤兄弟二人齒居  
長自爲童子時卽馴謹專篤日誦數百言稍長治

軼儒先生葬跋涉勞瘁從事青烏之學者數年奉  
母盡色養病則寢食俱廢洎歿凡附身附棺者皆  
竭敬謹不離苫次三年如一日旣而立墓田營祠  
字修家乘雖身嬰疾病在衽褥中猶不暫忘宗祏  
云間以餘暇督課諸子曰與講立身之道嘗曰吾  
得以先人義方之教傳之子孫吾願畢矣又嘗憾  
逮事父母之日少墓隔二十餘里旬日間必再往  
省依依不能去且屬其子曰吾他日死祔主於乃  
祖之祠以補吾缺居恒端拱危坐不妄徵逐人有

墓田丙舍錄文

四

善則獎之覺則解之戚黨有緩急悉如其請少績  
學有志科名試輒蹶遂專意詩古文所著抱樸居  
集清和蘊藉爲世所稱生於乾隆四年四月十七  
日卒於嘉慶五年正月二日年六十有二元配張  
孺人諸生諱五松女事姑孝紅餘耽吟咏有幽閒  
貞靜之德乾隆三年十月十五日生三十年七月  
二十七日卒繼配胡孺人海寧諸生諱奔觀女治  
家有法事姑如張姑歿佐治喪葬克盡禮乾隆九  
年七月二十八日生四十九年九月十五日卒張

年二十有八胡年四十有一三娶陸孺人西安教諭諱廷珍女側室周氏子二長國偉娶徐氏次用俊娶趙氏並國子生胡孺人出女二長適張增美張孺人出次字任百昌周出孫二光燮偉出詒孫俊出俱幼乾隆五十四年七月二十五日公卜葬張胡兩孺人於本邑白洋西秋字圩之原公與陸孺人皆於是穴預營生壙嘉慶六年八月十六日國偉用俊奉公匱合葬焉先期請銘於余將以納諸壙中余素見知於公不敢以不文辭銘曰

墓田丙舍錄文

五

白洋之阡靈秀所鍾公樂於斯自宅其中手植松杉鬱鬱葱葱偕藏此邱敦良無窮

嘉慶辛酉歲孟秋之月同里吳寧拜手撰

馬漁邨先生家傳

余少時游學武林及朱青湖先生門先生嘗出海鹽馬漁邨先生抱樸居詩見示余受而卒業心竊慕焉旋以奔走四方未獲一造其廬而親炙之歲丙寅余客京師學士法梧門先生屬余採輯近今詩爲及見集維時從兄半圭復以先生遺集暨其

令嗣應簞履常所爲古近體詩二帙見寄始知先生已歸道山而嗣音者復有人矣今年春應簞履常郵書於余屬爲先生傳余與先生居甚近且重以婚姻其敢以不文辭先生諱緒字鑑操海鹽橫湖里人自高曾以來世有令德至尊甫軼儒公而名益著先生少孤嗜學於書無所不讀比長連不得志於有司乃棄舉子業專意詩古文詞嘗結社西泠與何春渚李能白諸前輩切劘文藝一時耆儒老宿皆望風避三舍性醇篤事母朱孺人先意

墓田丙舍錄文

六

承志盡誠竭歡有古孝子風軼儒公之將葬也研精覃思究心青烏之學借術士流覽方域雖暴風宿雨無間也旣葬皇然如有望而弗見每月必往展視依依窳道日暮忘返且築祠於墓之湖南歲時祭奠而後輒抱父書棲息其中昕夕號慕終身如一日又以其餘置祭田修祖墓輯家乘凡事關宗祖者雖老且病猶力疾爲之不稍倦居恒寂處一室或藝名花或燒古鼎或疏泉種石興來則持竿獨釣秦谿之上優游樂志因自號漁邨云訓諸

子嚴而有法不假辭色以是二子俱束脩自好循循中法度其他睦宗族恤姻戚周旋鄉黨仗義輕財之事不勝枚舉前丙辰歲邑中行鄉飲禮時先生年已六旬紳士咸力薦爲大賓邑令惠堂任君素所心折徵書三至先生固辭不赴則先生之淡榮利於此可想見矣平生著作甚富所梓行者抱樸居集四卷閣學阮雲臺先生採其詩入輶軒錄中嗚呼學不務乎根本而徒事聲華雖著作滿家無益也先生事不越乎倫常日用而篤行弗怠有

墓田丙舍錄文

七

日新之業焉足不出於一鄉一邑而令聞遠布有潛德之光焉傳曰太上立德其次立功其次立言先生之德與言洵不朽矣惜乎不爲世用未展其才不然其功業又烏可量哉

嘉慶十有六年夏五月

賜進士出身翰林院編脩兼 文華殿行走海寧

陳傳經拜手謹

抱樸先生墓石蓋文

抱樸先生之歿旣得表墓之文於秦侍郎小峴先

生而大司空潘芝軒師爲之傳所以闡揚之者已具其子國偉用俊復以葢墓之石請余文之余文不足步兩先生之後塵惟是與二子交近十年稔知先生門內行不敢違其請按狀先生姓馬氏名緒海鹽縣人考明經公名文豪妣朱孺人幼失怙卽自奮於學夜讀恒至漏下三十刻與朱孺人機聲相答焉旋以攻苦成疾乃棄帖括寄情於詩歌與海內知名士交所業日進清微澹遠如其爲人世所傳抱樸居詩是也事朱孺人孝膳飲必躬視

墓田丙舍錄文

八

事無大小稟而後行孺人歿泣盡哀慎終以禮親視葬地於我邑之騎塘奉明經公之殯而合兆焉深痛逮事日少卽墓田爲丙舍抱父書讀其中孺慕之誠間以悲吟何徵君春渚題曰白雲深處葢紀實也暮年自築生壙於白洋里春秋佳日櫂小舟率羣從子弟賦詩飲酒以自娛樂人比之表聖王官谷云平生好行善事而不欲聞于人嘗訓二子曰欲恃已長必形人短古人積德欲其陰而可表暴于人乎以故獨行之事二子秘勿道表傳不

載余文亦罕述焉所著有治家箴敦本錄省墓日記陰宅要言等書卒之前一日口占斷句示二子云呼兕檢點家園樹好護荆花待放春葢以式好之誼期之也二子克迪前光敦昆誥義致常棣交柯之異先生之歿二子終喪廬墓余曾爲文勵之其孫光燮詒孫光煜嗣融年雖幼亦皆馴謹知嚮于學嗚呼卽此可以見先生之家法矣

嘉慶十有八年歲次癸酉暮春月朔三日平湖胡

金題拜手撰

墓田丙舍錄文

九

詩人馬漁邨誌

海鹽詩人馬漁邨獨行之士也余守郡嘉興時讀其所爲抱樸居詩已心識之而郡之賢士大夫又多能道其門內行歲庚申漁邨歿余門下士胡生金題持狀請爲誄時余將遷秩去諾之未果越八年以事重至浙西道出嘉興生復謁余請益力乃濡筆爲之誄曰

猗歟馬氏沂源南渡亮哉茂陵扇馨汗譽祖德是頌鹽官枝茂

莫故

秦贅瓊城歌哭斯聚篤生漁邨

鴻鵠鳳翥早升警宗心期雲路十上未售感士不  
遇秋樹讀書春江偶獻性習聲韻申宵達曙座有  
菜友囊無秕句風角葬經湛深其故虔卜親兆殮  
風飲露獨山古壤蒼祜祇祚愴懷孤露沒身孺慕  
愛日方舒春暉幸煦單綸澣濯不假婢嫗慈烏傷  
尾手線忍覲魂吟夢泣白雲深處况乃中年哀樂  
無據琴絃屢斷望廬誰語陽性嚮善木神斂怒物  
飲其和事立於豫丕振家聲後昆垂裕二子轉轉  
貌古心古古慕切十指親畚三年廬墓孝以繼孝父

墓田丙舍錄文

十

陶子鑄諸孫振振蘭玉森布銀管奉揚纍行永著  
嘉慶十有五年秋九月

誥授中憲大夫分巡貴西道前嘉興府知府長白  
伊湯安謹誄

抱樸居士哀詞

吾友抱樸居士之歿葬於白洋里之原歲乙丑秋  
余過墓下感橋公腹痛之言切子敬琴亡之慟悲  
深華屋恨永山邱雲欲斷而凝愁土未乾而漬淚  
對棋而徒懷謝傅把酒而莫覓徐君睨宿草之芊

芊想古歡以歷歷維君卅歲清劭綺年卓犖禽魚  
繕性水月尋盟康成以詩禮傳經張仲以孝友稱  
善厚德在人鄉推祭酒遺編問世詩比輞川燈詣  
重班荆交深傾蓋憶瞻韓於爾日快說項於曩年  
昔仰風流今悲雨散文康入地難同宋玉招魂靈  
運生天且擬延年製誄其辭曰  
嗟年運之徂謝兮悼泰鴻之不仁歲龍蛇以丁尼  
兮胡遽喪此賢人甫臯復以升魄兮漸歸土而奠  
魂墟墓寂其生哀兮聊結想而詞陳思白眉之最

墓田丙舍錄文

十一

良兮實冠冕夫人倫痛弱齡而失怙兮歌小雅之  
鮮民託護蔭於北堂兮乃孺慕以終身類太邱之  
道廣兮攬環佩以紛紛感名場之失意兮獨銳志  
于典墳綜雅材之百五兮屏淫哇而弗聞歆雨笠  
于秦溪兮或冒雪而垂綸洵貞隱之足尚兮願長  
謝夫紅塵值琴弦之屢斷兮知奉倩之傷神卜生  
壙于白洋之里兮呼表聖而結鄰祗授子以一經  
兮何贏金之足云敦司徒之六行兮泯義聲于指  
困禿班管以縷述兮曾未得其萬分記下榻于秦

山兮託末契于飲醇誓雲龍以上下兮幸臭味之  
可親天不憖遺一老兮促反駕于蒼旻元廬扃其  
終古兮鄰笛淒夫斜曛等羊曇之西州兮羌一慟  
而墮輪靈有知而來往兮定道遙于白雲

張胡陸三孺人合傳

海鹽馬君漁邨之配凡三曰張曰胡曰陸陸孺人  
之歿其子國偉用俊以撫養之恩如所生銜哀乞  
爲傳因依古人合傳例追述二孺人事并著之張

墓田丙舍錄文

十一

孺人爲橫山處士孫女而諸生五松女也名丹字  
涵中姿性明慧幼卽淑慎柔嘉動合女史年二十  
一歸馬君琴瑟靜好時翁已前卒事姑朱太孺人  
維謹凡馬君所欲得親懽心者無不視於無形以  
曲成之未幾腸澀疾作爲庸醫所誤卒年二十有  
八遺一女纔七齡孺人工吟而輒自焚棄名媛詩  
選所錄祇哭妹蘭史一絕而已逾年而馬君娶於  
海寧胡氏胡孺人張出也母爲橫山處士之姪女  
與張孺人爲內表女兄弟父奔觀諸生早世止生

孺人善病穎悟知書母鍾愛之其歸馬君也處士  
實憇憇焉三日廟見後卽屏簪珥紈綺之飾學桓  
少君裝撫張所生女如已出孝於姑睦於宗族朱  
太孺人恒顧而嘆曰吾見新婦賢益思吾張氏婦  
矣馬君少孤以父柩尙淹淺土時作孺子泣因竭  
力營窀穸事冒犯霜雪數年於外無內顧憂者孺  
人中饋力也朱太孺人歿佐喪主薦盡哀盡禮自  
以艱於息臚勸馬君納周氏女爲窻室接以慈惠  
而孺人先後生二子周氏亦生一女人爲誦螽斯

墓田丙舍錄文

十三

之章會馬君以勞得咯血疾內外事孺人以一身  
支拄其間人無曠職動無違事而元氣亦由此銷  
耗矣年四十有一竟卒馬君喪之如張孺人又以  
中年多故哀感倍至而國倖用俊穉弱無依望廬  
入室鰥淚難乾蓋行陸孺人之婚禮已易一歲星  
矣陸孺人爲西安教諭廷珍之女時馬君春秋高  
舊疾間作孺人手製湯劑不敢告勞其撫二子也  
恩斯勤斯無異胡孺人之嚮前所生女佐理婚嫁  
豐儉中禮洎遭馬君之喪一慟幾絕由是委去家

政閉關一室日惟搗珠焚香宣佛號以爲兒孫造福雖神明未衰而傷心已多矣卒年四十有九無所出三孺人之生卒歲月及子女婚嫁氏族已具馬君墓誌中余特傳其大略俾國偉用俊書以附家乘後云

論曰馬君能詩敦內行生平多喪葬婚嫁之事而家計日起非獨才具過人蓋亦有內助之力焉余嘗謂劉向傳列女兼及令妻賢母其指甚美而後世郡縣志乘之作專詳節孝略而弗述嗚呼隘矣

墓田丙舍錄文

十四

若三孺人之善相夫子雖以放古之禮宗何多讓焉

嘉慶十有四年歲次己巳嘉平月平湖胡昌基拜手譔

抱樸墓田記

周官載師之職以士田任近郊之地鄭君注士田圭田也孟氏書卿以下必有圭田又曰惟士無田則亦不祭詩有之潔蠲爲饌師說以蠲爲圭蓋古昔盛時分田制祿外別有士田以供祭祀所以厚

君子而隆孝享者恩至渥也自井田變爲阡陌賦雖入官田則任民自受計畝量金上不得而主焉載師之職廢矣于是民無恒產有力者且坐擁莊田畝以萬計寒素之儒至餽粥不給求如宋范文正之義田明陸莊簡之景賢祠田蓋已僅矣余初蒞海鹽卽聞橫湖里馬氏世多隱君子其後人國偉用俊二君性友愛並以詩名家公餘之暇時獲接其丰采親其緒論蓋落落不羈儵然絕俗之士也一日出其先人抱樸居士詩見示且述居士葬

墓田丙舍錄文

五

於治北白洋里置有潔蠲之田凡三十九畝有奇畫定條教動合禮法田則按號登冊祭則流年迭主歎其用意之厚立法之善可以延先澤可以傳雲仍可以永守烝嘗而杜爭端豈非仁人孝子之用心而綿不匱之孝思于弗替者哉田不盡在墓旁而官籍統以馬抱樸墓田名者田以墓重也信南山之詩曰是烝是享苾苾芬芬楚茨之詩曰子子孫孫勿替引之卽以是爲二君頌可也載師之職雖廢而二君所爲其于士田潔蠲之義庶有當

矣乎

嘉慶壬戌歲冬十月知海鹽縣事嘉魚張宗軾撰

抱樸墓堂記

古有家廟無墓祠或引禮記曾子問載孔子曰望墓而爲壇以時祭卽墓祠之權輿然考鄭注不祭于廟無爵者賤遠辟正主孔疏宗子雖有廟在宗子之家庶子無爵不得就宗子之廟而祭惟可望近所祭者之墓以四時致祭則固非墓祠之謂夫古不墓祭何以祠爲由周以來間有墓祭沿及六

墓田丙舍錄文

六

朝遂置墓田丙舍蓋春秋祭奠或恐風雨不時或慮飲福無地乃爲祠焉是依亦勢所當然則禮緣義起聖人未必非之海鹽馬君應麓及其弟履常少稟尊人抱樸居士家學力敦古行尊人旣歿卽奉遺命營葬于白洋里之原又築室于旁安設粟主不曰祠而曰墓堂者遜辭也今年春介曹君問渠屬余作文以記余慨夫世之舍本而務末也久矣中人之冢葬且踰時何論于祠而有力者將營葬事必先建祠又惟外觀是耀則且高其門閭鏤

其楹桷糜金萬計再傳而後或且漸損稍加修葺亦以百計苟無其資任其傾頽徒供人之浩嘆是墓祠之舉反以爲累馬氏則止求其安而且固不誇美免不尙崇隆曲體先人抱樸之意且也終身孺慕兄弟雍雍雖不遇祭祀每相與彳亍松楸仰瞻廟貌肅然必有聞乎其容聲旁人見之當亦有感發而興起者乎彼奢華靡麗者徒事其末而此樸素渾堅者乃敦其本耳余之言不文奚足爲斯堂增重而道其實事並非膚詞貢諛庶幾合乎抱

墓田丙舍錄文

七

樸墓堂之樸而已

嘉慶十有五年冬十有一月旣望

詔舉孝廉方正 賜六品頂帶戊午科舉人揀選

知縣海寧陳鱣撰

白洋丙舍記

白洋丙舍者鹽邑詩人抱樸居士之墓廬也先生善青烏家言旣爲其先人營葬事畢乃出其餘力自營生壙暨其配張胡陸三孺人窆穴于此其旣葬也哲嗣愚庵少白結廬于旁奉神版以祀邑宰

嘉魚張君爲榜其門曰白洋丙舍過之者曰鬱鬱  
哉此宮其先生所自相度歟足以見先生之術之  
精矣余應之曰唯唯否否蓋宇宙靈淑之氣鍾於  
地而實鍾於積善之人積累旣厚則必有風藏氣  
聚之地以妥其靈以福其子孫滕公之將葬也馬  
悲鳴不進於是有所吁嗟居此室之異羊氏之將興  
也得牛所眠處於是有所後世爲三公之祥此皆冥  
冥中默定其局留以昇福德之人非可倖而致也  
馬氏本以詩書孝友世其家愚庵少白起而振之

墓田丙舍錄文

六

兄弟怡怡形分姓合連枝之樹寔生于庭階蓋其  
邕和之氣萃於一堂必有以貽于奕世者白洋吉  
壤早爲馬氏鍾祥集福于是蓋不求而自得者夫  
豈尊龍步穴所能倖獲哉雖然白洋誠爲吉壤亦  
惟先生之德足以當之先生之術有以辨之於其  
請不辭而爲之記

嘉慶辛未歲夏四月海鹽儒學訓導歸安章光曾

撰

枯樹庵記

橫湖馬應麓履常二子旣卜葬尊人漁邨先生於白洋里之阡復於墓旁結廬數椽奉祀粟主右側之戶曰望雲左曰感泉戶內別一室爲庵春秋暇日兄弟憩息其中以致孺慕之意秀水計君壽喬榜其額曰枯樹庵取晉王偉元涕淚着樹而樹枯之意而屬余作文記之余嘗見世之所謂善事其親者矣當夫承懽膝下亦知問安視膳曲循子職而中情或不屬焉及親歿而盛作佛事侈列明器以爲鄉黨美觀吾不知于慎終之禮何如間有一

墓田丙舍錄文

九

二自好者於葬祭大事或能無失其時欲求其終身孺慕如偉元者誠不數數觀二子天性醇摯終始不忘其親以是嗣偉元之徽可也然偉元子身廬墓無兄弟之樂今二子並讀父書以無忝相期一堂之內友愛無間園中常棣連理交柯遠近傳爲祥異此偉元所未必有者而二子有以召之傳曰父母俱存兄弟無故一樂也又曰兄弟旣翕和樂且耽父母其順二子雖已抱終天之恨乎而事父母之心如生也異日枯樹復萌發榮滋長行見

干霄蔽日自成楨幹之材豈徒與甘露瑞草靈禽馴  
獸並著其美也哉是爲記

嘉慶壬申歲上元後五日海寧陳敬璋謹撰

馬漁邨先生秦谿釣雪圖遺像讚

昔讀馬漁邨先生抱樸居詩一倡三嘆孤吟獨賞  
朱絃疏越泠然古瑟之音玉軫清商沒若雅琴之  
奏奚勞蘅杜氛垢膏蠲底藉護蘇幽憂已釋元擎  
叟之風旨王摩詰之襟情以古方今不是過也若  
乃東湖香草蘇雲卿乘興揚舲西塞桃花張志和

墓田丙舍錄文

三

凌波泊宅一篷一笠孰不因人非我非魚樂而忘  
返則有秦谿釣雪圖焉比肩故里教義舊鄉一曲  
桑麻數家衡宇汀迴鷗鷺淨淥無痕橋鎖鴛鴦朝  
暉滿樹先生抱介石之貞操懷空谷之遐心秋屋  
讀書春林行藥雲中鷄犬深藏處士園廬谿上禽  
魚孰識仙人杖履爾乃綸竿獨往艇檝平移禿樹  
映而孤烟生凍雲凝而六花集留連沙尾野梅亂  
放之時由入蘆中快雪初晴之候平蕪遠引烟海  
南浮曠望亭臯溯洞杜渚雙峰蘭若指顧况之禪

屏一片荒臺問伯牙之琴操豈直松陵漁具倡和  
率音何須笠澤叢書品題清話今者古歡著錄獨  
行成編田園蔽喬木之陰孝友應連枝之瑞幽蘭  
既萎猶扇餘香元鶴遙飛還留仙韻式瞻遺像永  
懷莊叟之忘機載頌清芬竊比太初之尙友讚曰  
遙山送青近水浮戶山水之間風俗太古直鈞垂  
釣無魚亦佳繳雪欲索寒林始花汝南先賢襄陽  
耆舊鷗鷺無猜芷蘭同臭落落高寄寥寥遠心背  
逢圓笠孤往長吟一幅橫湖其人如玉矯首滄浪

墓田丙舍錄文

三

濯纓濯足烟水無際淪漪自生流行坎止幽人之  
貞  
嘉慶十有一年夏六月武康徐熊飛拜課

白洋里墓田丙舍錄

過抱樸居士墓下

秀水 宋休度 梓廬

詩人生壙卜雲坳垂老林棲此掛瓢不見戲竿寒  
釣雪君有秦谿 釣雪圖空餘谿水綠平橋交從白傅社中  
訂魂向黃公壚畔招載酒荒郊重展墓白洋邨樹

晚蕭蕭

仁利 何承燕 春巢

弔古憑將風雅論當年文藻豔蘭蓀名山無恙留  
詩卷啼鳥多情繞墓門十載神交秋水濶百年人

墓田丙舍錄詩

去暮雲屯高才不遇傷懷抱留得清芬到子孫

武康 吳克用 遠邨

一曲圓沙釣艇橫幅巾筇杖憶平生吟魂長伴秋

林鶴風露滿塘西月明

同里 許自裁 敬堂

萋萋秋草路鬱鬱故人墳野狖啼荒逕孤鴻愴白  
雲卅年文酒寂一夢死生分何處勞相憶西風獨

弔君

海寧 曹宗載 問渠

白洋里墓田丙舍錄

松楸蕭蕭含悲風白洋里畔歸幽宮山邱零落不  
勝感竭來瞻拜懷芳蹤扶風居士東海傑偉識宏  
才兩卓絕更擅江郎夢筆花一卷新詩豔冰雪人  
生奚必定廟廊完真抱樸寧非芳人生奚必宏治  
理式間化俗寧非臧樹立有真垂永久鐘鼎山林  
均不朽醞釀彌深流益光名耀生前重身後况復  
傳經羨二難輝生棣鄂連枝妍明發有懷善繼述  
競展風翮摩雲天遺徽雖渺澤長在墓堂新築還  
崔嵬瀧阡堪卜表歐陽遲速何妨時有待

墓田丙舍錄詩

二

石門  
胡枚  
梁園

一遂山陽聽黯然讀碑空復憶當年功名未遂生  
前志剩有遺詩萬口傳

逝水滔滔日夜流百年人世感浮漚一坏黃土埋  
吟骨日落荒原起暮愁

平湖  
胡昌基  
石灘

白洋秋水正盈盈倚棹難禁思舊情彭澤詩篇高  
士傳柳州碑誌史官評稻花香細蟲爭語苹葉涼  
生鹿自鳴更肅衣冠一瞻拜墓門松柏夕陽明

嘉興楊蟠文樸

長者爭思馬少游我來掛劍撫松楸生前書帙山中讀歿後詩名海上留丙舍猗蘭傳奕葉墓門片石足千秋佳城鬱鬱白洋里笛聽鄰家起暮愁

同里吳寧子安

展拜松楸道西風落日陰啼鴉悲古木流水失知音露滴三秋冷雲歸一徑深墓田端整處想見古人心

同里王篋貽青

墓田丙舍錄詩

三

白洋一櫂泝通津酌酒春風薦渚蘋不是西州門外路羊曇已覺淚沾巾

校核遺詩手一編時愚庵少白以舅氏遺集屬校付梓死生回首益

凄然年來老我貧兼病地下知公亦見憐

海寧陳敬璋奉峩

子規夜叫風颼颼霜華一片浮松楸白洋西畔幽壤幽蘚門斑駁藏魂樓先生豪氣凌千秋草茅抵掌志未酬衣食纔足且復休浩歌一曲清且適矍鑠是翁無與壽興來秦谿理釣鈞畫圖一幅神韻

悠衆中白眉本最優英嗣磊落琳琅球高才清望  
追少游一編抱樸勤雕鏤先生之名千載留

同里徐銳 鈍補

老隱橫湖一釣竿墓門想望古衣冠石湖詩筆原

儕陸謂何春 洵徵士子厚碑銘本屬韓謂秦小峴 少司寇贈縞欣

攀庭下桂借帷樂育砌邊蘭先生孫光燮 光煜曾從余遊孫重

來醉折松枝舞猶認當年執紼看

石門施嵩 少峯

秦谿西畔路海雨寒松雲烏鳥夜啼血中有幽人

墓田丙舍錄詩

四

墳讀書依丙舍 先生嘗廬父墓達觀築生壙孝子而詞

宗昔賢肯多讓

汪嘉穀 東邨

淒斷白洋里高風今古留一編曾采輯阮中丞師 輯兩浙輶

軒錄余曾以 先生詩入選奕世重箕裘荒草斜陽暮孤魂鄰笛

愁可憐訪舊者回首已松楸

嘉興張廷濟 叔未

梨花零落鷓鴣啼訪舊人來宿草萋萋短碣新鐫高

士傳臨風讀罷夕陽低

平湖  
戈温如 韞石

林秃風聲乾雲陰雨氣重邨前白洋流環碧恣洶  
湧一坏枕荒邱細草碧沙擁寂寞彥昇門探樵柳  
下龕白眉老詞壇黃土埋孤塚重重馬鬣封烏特  
眠荒茸春來楓樹枯寒入山骨聳積玉在元圃相  
欽復驚悚海寧吳槎翁序先生詩比之元圃積玉銘留道旁碑有道  
羣欽奉無錫秦侍郎撰墓碑春色總無幾先生葛嶺懷古有春色總無幾之句  
達人墓木拱

仁和  
李堂 西齋

墓田丙舍錄詩

五

墓門短碣薜斑生吏部文章健筆橫夕照荒原來  
酌酒春風末座向知名先生與青湖師交最久少時即慕先生詩名輞  
川別墅圖曾展笠澤藜書續已成謂令嗣愚庵少白遲我  
十年磨鏡客一坏衰草不勝情

嘉興  
蔣浩 粵隱

莽莽滄墟巍巍高陵先生于茲懋昭德馨身隱漁  
釣吉協鴻冥孤標秀舉素履謙貞誦先生詩穆然  
風清冲抱既殊和氣來迎今謁墓下心儀目凝長  
松偃翠蔓草縈青先生有子純孝性成哀哀廬墓

事死如生勒珉建石岳誅邕銘照耀志榮永垂厥  
聲先生逍遙道豫神寧上朝紫皇下躡寰瀛烟波  
故國蘿月山亭琴尊圖史留遺軒櫺春披蘭露秋  
攬桂英先生之靈雲霓日星寒泉一勺脩詞告誠  
鶴兮來歸仰企徽型

海寧 鍾大濬 漱石

白洋湖水碧淪漪鬱鬱佳城枕水湄絳帳談經傳  
往事青衫埋骨有餘悲文章幸有兒孫守風度還  
從想像知碑版不嫌三日讀分明無媿議郎辭

墓田丙舍錄詩

六

嘉興 孫慶治 嘯秋

長卿姓氏勒豐碑瞻拜松楸我獨遲一代品歸高  
士傳千秋名贖大家詩未能哭寢遵周禮敢續招  
魂賦楚辭自是達人邀食報琴書遺澤付佳兒

武進 唐志寧 樹新

春風柳岸一舟維感舊懷賢有所思曲徑寒松千  
古色荒原宿草百年悲酒澆難到劉伶土瓢掛猶  
餘李賀詩繼志定宜公望在表阡新建墓門碑

海寧 張承福 秋菴

有客持杯奠蒼茫夕照餘白洋新宅北抱樸舊幽  
居妙句輜軒採芳名表志譽道旁留短碣讀罷更  
踟躕

嘉興錢天樹竹士

夕陽淡欲沈孤舟此沿泝言尋高士蹤扶風認廬  
墓化鶴鶴未歸慨焉有餘慕死生安足論不死驚  
人句明發東湖東吟魂閣烟樹

海寧胡爾榮豫波

暝色渺煙波孤村隱雲樹一櫂獨溯洄繫纜白洋

墓田丙舍錄詩

七

渡大雅去已久短碣蹟堪數平生貞隱操孝友急  
先務式後古所難餘澤衆生慕公卿芥子盛吉壤  
豈無故臨風奠一杯征衣濕松霧

石門胡向榮蔗山

鬱鬱松林荒荒隴畝我來弔古載酌杯酒緬公生  
平以孝以友德重儒林詩傳人口貽謀燕翼克昌  
厥後勒碣表揚名垂不朽臨風披讀日落林藪欲  
去迷津借問田叟

嘉興錢人杰子仁

烟雲渺何處一抹殘照影草色綠上堤因知春意  
醒言訪高士蹤淺漲閣漁艇詩魂招不來醉夢或  
未冷我欲起劉伶一酌酬酩酊花插滿頭高吟  
發新穎回首樹蘿葱孤鶴立松頂

吳縣顧淳 夢巖

一望平蕪繞綠波臨風憑弔淚滂沱人居海國聲  
名重詩入輜軒著錄多曠野雲低迷竹樹空山月  
冷照藤蘿錫山椽筆光泉壤尋丈穹碑供搨摩

海寧王鈞 新余

墓田丙舍錄詩

八

滕公居此室斗酒奠斜陽水護佳城綠雲封古木  
蒼好修高士傳未叩讀書堂難得遺經在芝蘭又  
共芳

長沙蔡汝弼 夢吾

宿草長芊芊臨風淚泫然詩名壓前輩鉅筆表新  
阡水氣涼生雨嵐光綠墮煙松楸無恙在歸鶴定  
何年

蕭山單壯圖 健堂

古木無人積翠濃墓門風雨泣蒼松留將金粟山

人誌再向橫湖訪舊蹤

幽居心跡喜雙清  
題字猶留抱樸名  
好著鹽官高士傳  
若非和靖卽淵明

平湖 屈爲章 茂園

遠樹滋緜濛一碧漾  
春雨俯瞰縠紋迴  
流水此終古  
松楸圍暮陰  
澄景澹容與  
空山無俗聲  
萬籟激幽渚  
眷懷高士蹤  
搔首復延佇  
一掬寒泉清  
因之薦芳杜  
我欲招吟魂  
山禽替傳語  
渺渺結古歡  
落落空儔侶  
獨擢沿迴塘  
濕痕織月吐

墓田丙舍錄詩

九

嘉善 滕堯民 松筠

白洋水抱白雲深  
傍水門開墓木森  
一夕西風移桂楫  
半竿落日奠松陰  
苔痕斑駁埋詩骨  
梅影蕭疎見道心  
高士風流名士筆  
清芬不厭十回吟

石門 施鍾成 葵初

墓門苦楨漸成圍  
啼斷荒烏弔夕暉  
種樹十年滋讓木  
傳家三世有萊衣

先生父軼儒公以孝行著哲嗣愚庵少白並行廬墓

之紙錢麥飯傷何似  
花塹漁莊跡已非  
文行交修禮大隱  
少游欸段漫輕肥

同里張步蟾 洗枝

松楸一片影迷離芳草池塘小艇移寒雨絲絲煙

漠漠秦谿誰把釣竿垂

鬱鬱佳城傍綠湄追思女叔不勝悲生時異室死

同穴曾否泉臺共論詩

石門吳玉森 梅岑

白洋有佳城牛眠兆可識拜讀有道碑蔓草斂寒

碧

讀書不為名傳合儒林補遼鶴恍可招高風式千

墓田丙舍錄詩

古書不為名傳合儒林補遼鶴恍可招高風式千

蕭山單懋圖 朗亭

白洋殘照裏揮淚墓門陰松徑長風嘯苔痕片碣

侵輪軒詩早採圖畫跡堪尋

先生有秦谿釣雪圖

寂寞橫湖

里常留千古心

石門姚體仁 石農

繫纜溪邊傍樹根萋萋宿草掩詩魂豪吟對酒到

三雅空水舍烟圍一村古處衣冠難再識名山事

業自長存摩挲遺碣情何限野鶴飛來叫墓門

沈銘彝 竹岑

白楊何蕭蕭悲風愁殺人白洋浩浩遠水環孤  
邨緬維扶風老詩筆橫千軍既歸長夜室風流忽  
銷淪佳城無荆棘抔土有烟雲我聞江都客人呼  
下馬墳又聞賈島墓鼓子花紛紜古來唯賢達具  
有精氣存能令人興起過者多遠况君樹不朽  
里閨能習聞傳家萬卷富傳世千篇新二昆珍手  
澤棗刻流布勤秋草被長坂秋月照羨門願如柳  
下壘百世扞樵薪

墓田丙舍錄詩

三

秀水 吳兆熊 鈞璜

為訪詞宗問客程墓門草長蔓烟橫可憐三尺劉  
伶土常與松筠伴月明

高隱清風世罕聞空留抔土掩寒雲他時採入圖  
經裏彷彿孤山處土墳

同里 徐人英 聘侯

烟波一曲抱寒雲湖畔青青處土墳遲我重來披  
短碣思公空自讀遺文烏啼野徑留春恨鶴返松  
枝冷夕暉幸有穀詒堪迪後詩書奕世續清芬

程元浩 薊 注

駢發雙枝秀清芬孰與儔晨葩曾絜養宿草重交

游學本扶風擅詩應樸椒留宋馬純自號樸椒翁佳城善呵

護一劍願先酬吳晉公賀詩 佳城善呵

共說橫湖是考槃那教坏土託荒寒高名舊可賅

三孝喆嗣今看有二難孤塚日斜松謾謾長途客

去路漫漫生平獨行偏增慕悔煞前番未識韓

墓田丙舍錄詩

桐鄉沈 潮 曉 滄

竭來弭榜過江村遙憶詩人展墓門有子俱能承

父業如公無復間人言扶風詩禮家聲舊斜日松

楸亂影翻聞道棟花春正茂百年遺蔭及兒孫

望望白洋里白雲遶其上松柏蔭佳城層層列屏

嶂纍然土一坏屢有名賢訪鉅筆表墓阡遺碑記

生壙經營丙舍新輪奐殊俗尙來此一展拜感舊

忽惆悵記昔垂髫日謁公絳紗帳臨風握管吟氣

壓騷壇將冒雪垂竿釣時伴漁人唱我媿備彌甥

生死情兩愴轉瞬十年來河山獨無恙展墓思不  
禁儀型空瞻仰飢鴉爭夕鳴棠梨及春放欲去重  
徘徊墓雲接平曠

平湖胡金勝東井

海嘯亂雲生芒屨逐沙鷺蕭蕭松檜林中有詩人  
墓少年棄軒冕抱樸樂儒素花明秦谿春雪深攜  
釣具趨庭有象賢鄂鞞聯新句長年風木悲結廬  
表孺慕令嗣愚庵少白曾廬墓三年豐碑立道旁鴻文盛名譽  
我欲薦谿毛躊躇不能去借問後園花春風開幾

墓田丙舍錄詩

士

樹呼兒檢點家園樹好護荆花待放春先生易簪時句也

石門錢杞鞠鄰

試問眠牛地佳城枕白洋松楸千樹古烟雨一竿  
涼舞絲萊衣在傳經鄭草芳文章根孝友碑碣對

斜陽

嘉興王家英秋海

撥蘿緣蹊徑林影掃苔碧於焉倚松杉蒼翠染衣  
濕路逢採樵人爲言此幽宅當時營菟裘白洋橫  
湖隔揮杯臨天風探梅蹋巖雪世事草露同仁累

德自積劍掛延陵墳碑刊有道蹟讀罷發遙情歸  
途日將夕

桐鄉吳瑞堂松雨

楊柳綠汀洲孤艇泊湖涘荒荒土一抔何處覓高  
趾眷懷公生平幽情寄山水書史堆山窗陔蘭供  
甘旨愛客具盤殮論詩入骨髓典型慕老成恭敬  
在桑梓詩禮克傳家喆嗣占鵲起清銘鐫碑碣高  
行堪仰止酌酒拜墓門無忘白洋里

墓田丙舍錄詩

陸敦倫一帆

十三

水碧沙明樹影團白雲如絮渺無端我來憑眺添  
遐思一點佳城夕照寒

姪仲甫次山

嘆逝情懷感至誠墓門回首隔重巖家中名士傳  
癡叔林下詩狂剩阿咸橋接長流水南注祠臨斜  
照日西銜廿年松柏栽培久佳氣蔥蘢護石函

從孫華鼎侶彝

白洋泱泱流水清松楸森列圍佳城寒鴉啼煙日  
欲暮中含反哺悲哀聲墓廬下拜心氣肅圖像傳



附錄

書白洋里墓田丙舍卷後

海寧 吳 騫 槎客

惻惻丁蘭恨依依丙舍情駢枝甘露降五夜夢魂

清野祭魚猶躍蒿廬月定明宜興邵孝子廬墓久之墓竹皆夜明子爲

作夜明竹記千秋看樂石特筆記明卿

桐鄉方 岳 古愚

庭前紫荆親所植怙恃恩深歎罔極椿萱零落歸

山阿孺慕衷腸盡不得松楸一帶成長林結廬栽

附錄 題詞

一

花墓門側隴上烏啼那忍聞秋霜春露相思積築

室於場君居守常棣聯吟偕白首豈僅傷心廢蓼

莪事死如生世罕有不見東家親死尙淺土兄弟

鬪牆誰禦侮

歸安 章光曾 遂舫

猶是聯床風雨吟竭來相對望廬深鹿遊原上霜

封草烏集村邊月在林老屋機雲終異解一家祥

覽是同心遙知襪被寒燈裏都爲思親淚不禁

石門 顧 修 菴崖

松楸陰陰麥飯熟丙舍炊烟出修竹中有孺慕純  
孝人廬墓悽然住空谷對床風雨感懷深經時霜  
露年光速聽打碑聲香火庵圓茅一束堵枯木

秀水計楠壽喬

瞻彼高岡維松與楸露零霜降自春徂秋松兮  
楸兮鬱鬱青青兄及弟兮形影零丁惟南有陔  
惟北有堂親兮不見我心憂傷

海寧鍾大源簪溪

君家結廬橫湖邊一株常棣枝柯駢友于感召和

附錄題詞

二

氣宣得此華鄂輝相聯髻時嬉戲父母前親親愛  
親兒親憐春鷓秋蟀年復年孺慕可謂終身焉豈  
知樹靜風忽顛白髮次第悲黃泉熒熒鮮民血淚  
濺庭闈永寂餘几筵

兩君時居  
繼母憂

安親窳窳親所便

佳城爲卜牛曾眠回思親在兒周旋長承色笑親  
衣牽有時舞彩相踟躕兄及弟兮恒隨肩親今體  
魄歸荒阡欲侍親側終無緣思之沈痛呼蒼天墓  
旁幸有一稜田蓋頭一把茅不編蘆簾作牆竹作  
椽依親露宿猶忻然羨君孝友行獨全君仲繞墓

輸君賢想襟姜被蘇牀遷更却建安奇溫繇白洋  
湖水清且漣松楸鬱鬱含蒼烟中有孝子宅一廛  
醴泉噴玉甘露鮮斑龍馴伏白雀翩卽此聖室堂  
斧連歲時哀感陳豆籩教義里合名雙鐫石闕高  
並秦山巔

武康 徐熊飛 雪廬

扶疎老樹擁秋雲臨水籬牆一帶分想見連牀風  
雨夕清吟咫尺夜臺聞

一角橫山曉翠孤數椽丙舍隱拔蘆閒來乞與丹

附錄 題詞

三

青手添寫洋湖風木圖

侯官 林元英 允千

思親一樣淚沾襟丙舍經營費苦心自是孝思通  
物感霜烏泣血萃平林

海寧 應時良 笠湖

新營丙舍似鍾繇不礙三間屋打頭貪着姜肱聯  
被宿年年風雨伴松楸  
墓門直作寢門看住近幽宮夢亦安多少天涯遠  
遊子幾人麥飯拜荒寒

海寧 徐紹曾 壽魚

詩廢莪蒿恨不窮，祇從夢寐覩親容。  
誰憐一掬王哀淚，共灑墳頭馬鬣封。

石門 朱 莘 尹村

椿萎護凋痛不禁，慘攜姜被傍寒林。  
敢云酬得三年愛，正是無窮五夜心。  
血染丹楓紅樹遠，夢回碧落白雲深。  
披圖一樣終天恨，七字吟成淚滿襟。

桐鄉 孫貫中 古杉

鬱鬱松楸動孝思，何年白鶴返空枝。  
東風寒食梨

附錄 題詞

四

花雨補入聯吟血淚詩

海寧 周思兼 梅坪

千頃波易繪難繪，嗚咽聲一椽屋易寫難寫。  
情白洋湖水彎環，綠比似思親腸九曲。  
丙舍人將子舍看兒魂，寢伴親魂宿春風常棣萼。  
松楸淚盈掬瘦聳，詩肩背蓼莪翻啜姜被空。  
君不見十年遊子苦飢驅，白髮蕭蕭正倚閭。

武康 徐金鏡 芸峴

木末遙山相對宜，幾年捧土白洋湄。  
墓田丙舍元

常帖家廟貞珉刺史碑花發恰當臨水路烏唬猶  
遶向陽枝棠梨寒食風吹雨記取停船上塚時

吳江翁 雒小海

曾讀聯吟集今題廬墓詩最難敦孝友不獨擅文  
辭風木思親日寒燈聽雨時白洋湖水濶相約訪  
茆茨

平湖 王階漢 古槎

兄弟同吟嘯悽然魂夢醒未酬烏反哺猶記鯉趨  
庭月落霜初墮風高樹不寧一燈評戴禮淚血染

附錄題詞

五

苦青

清風不與秋相與  
會歸離似葉令  
鼓向趨好棠梨寒食風吹雨  
清神添潤真悲陳與縣古  
會歸離似葉令  
鼓向趨好棠梨寒食風吹雨  
清神添潤真悲陳與縣古

附錄 墓意詩 他 桂 林 別 苑 詩 苦 難 言 詩

北扞詩 并序

國偉 愚庵

辛酉八月十有六日歸葬先君子於白洋  
里之生壙因賦北扞詩以誌哀云

呼天何處報親恩  
負土成墳淚暗吞  
他日縱教來往數路遙  
終媿隔晨昏

且把塋門認寢門  
棺寒未忍便離親  
編籬種樹尋常事  
一觸兒懷一愴神

奉 覆 又 同 文 順 安 主 一 神 效 容 德 小 洪 用 俊 少 白

附錄詩

奉 匱 歸 同 穴 神 安 土 一 抔 敢 云 新 卜 兆 猶 是 舊 胎  
謀 馬 鬣 封 初 固 松 陰 植 自 周 祖 塋 鄰 近 在 瞻 拜 淚  
長 流 塋 門 瀟 灑 門 第 寒 未 忍 更 難 展 歸 辭 二 抔 竟

五 州 廬 墓 錄 數 詞 是 否 國 偉

一 堂 兄 弟 在 依 舊 伴 庭 幃 無 恙 杯 圈 澤 空 嗟 笑  
語 違 林 烏 呼 歎 切 梁 燕 引 雛 飛 我 獨 傷 孤 露 徬 徨

對 落 暉 辛 酉 八 月 十 有 六 日 歸 葬 先 君 于 白 洋

又 水 精 花 氣 用 俊 愚 庵

無 膠 廬 墓 意 復 此 對 牀 眠 淚 滴 松 楸 苦 心 慙 堂 構

賢永爲孤露日猶記帶星年妄想庭幃樂無因問  
九泉雲霧

辛晴廬次口占此日心共春三更無魚國偉

誰向泉臺結比鄰一抔風雨闕千春題碑漫識亡

名氏樵採先應禁佃民

墓田中有無主柳余兄弟爲立碣題曰亡名氏古墓

祖塋南望白雲連七里騎塘往返便一路春風同

倚棹老鴉啼斷墓門烟

先大父墓在騎塘去白洋僅六七里

田園芋柿高秋熟野老相攜迭過從未欸友人先

薦食草深夕雨愧茅容

土人送以柿芋相餉

附錄詩

又 用俊

顯揚有志苦無緣碌碌功名愧壯年情切靡瞻空

陟岵恩深罔極祇呼天篝燈顧影疑親舍松柏栽

成拓墓田縱使弟兄能具翁可堪風木恨重泉

又 省墓 國偉

暮色蒼茫接地陰終天回首淚沾襟趨庭空憶當

年訓省墓徒傷此日心月落三更烏鳥恨松迴一

徑白雲深此身不及山頭土常護風霜雨雪侵

又 省墓 用俊

終古不見親悽然時省墓經旬或不來窮窮如失  
路來此復低徊欲去屢回顧拜墓卽拜親親故墓  
未故舟子不解事催促愁日暮我抱恨終天蒼蒼  
向誰訴生養既不逮顯揚又無據三十未成名兩  
鬢漸生素有子復何爲羞彼烏返哺舍情答舟子  
相對默誰語

附錄詩

并序

丁卯冬十月四日馬子晨起將掃墓履霜  
典悲回念父母棄養歲星遞閱能不傷哉

附錄詩

三

爰擬是操而返其意焉  
晨興履霜足寒心傷足寒可衛傷心難忘  
母亡弱冠父歿子年已壯表墓無日  
兄弟依依夙夜黽勉明發不寐中懷輾轉  
墓門有烏受哺子子職虧侍養禽且不似  
誓守先訓毋父母遺罹  
未劫庚午冬日葺墓廬有感  
傍墳葺丙舍卜日及庚年豈必矜輪奐聊堪列豆  
邊楮庭思舊訓蓬戶守遺編痛乏廬陵筆何時表

墓阡蒼山爽林雲蒼不帶寒風一以起靈輿  
十載悲孤露終天恨未酬履霜深怵惕聽雨轉綢繆  
繆尚有父書在還貽孫子謀白雲飛不定回望使  
人愁

則手又幸無恙蘇煥中景晉機未思決用俊以全  
庚午十月交稻梁又薦新墓旁有田舍牆垣無半  
存蒿目增悲傷改作苦家貧兄弟切黽勉踟躕徒  
涖旬庀材始經營茅茨俯湖濱享祀欣有所瞻拜  
貽兒孫是時登堇畝先靈日以親夜來夢見之依

附錄詩

四

依笑語頻明發輒興感愧此孤露身回首墳上樹  
漠漠連愁雲弱齡失怙恃待養苦無因風樹常抱  
痛今又歌鮮民時丁繼母艱啞啞烏亂啼慘惻不忍聞  
逝水感長流寒風吹墓門縱使祭而豐籩豆泣空  
陳手足幸無恙松楸伴晨昏對床思先訓期以全

天真

懸尚白洋八詠  
十律  
松徑風濤  
日暮蒼山寒松雲翳不散海風一以吹濤聲落天

半下有孤兒行感茲發長嘆

蘆灘霜雁

清溪霜月冷幽港蘆花白秋影落鴻羣平沙帶雁  
跡看到列成行予心亦怡悅

大渚春漲

大渚漲潮痕雲涯接平曠桃花浪正翻隔岸起漁  
唱悠然空我心天地况高朗

古窰夕照

古窰始何時突兀煙際出返照入中流倒影翻空

附錄詩

五

碧敢云化錄民庭訓在樸質

隔浦隴雲

隔浦望祖塋白雲出林杪騎塘七里長洋湖一頃  
森頤化隴頭雲日夕隴頭繞

沿堤烟柳

烟絲繞漢塘柳條鎖萬綠淡淡曉風生沉沉流鶯  
續隔浦問漁人可補蕢洲曲

倪庵晚磬

落日斷行客雲林掩梵宮四野天次寥葉落秋山

空一聲清磬發颯颯來天風

枯樹曉鳥

漏殘霜氣清枯木寒無色繞屋亂鳥啼入耳聲悽惻驚起孤露人月落海天黑

白洋道中作并序

白洋在治北二十里近西連沈蕩東接新溪

先君子邱墓在焉庚午冬構丙舍於墓側

至辛未暮春落成廬墓之暇棹舟往返得

四絕句

附錄詩

六

先人壟畔曉啼烏西白洋西第一圩鬱鬱松秋風

雨裏白雲遙望淚模糊

羅漢塘西半邏塘百年陵谷變滄桑可憐多少名

賢墓華表荒涼對夕陽

何其仁墓在半邏南查初白墓在羅漢塘墓木無存

中泉故宅隱汀洲北若木邊景最幽野店杏花如

畫本行人指點說南樓

錢太夫人善畫自號南樓老人至今遺址無恙

俛浦依然觀察居菊松遺澤未全虛門前桑柘濃

陰合一曲烟波畫不如

墨麟公故居在俛浦

掃墓

國偉

雨露濡時感不窮紙錢麥飯奠東風鶴歸華表遺  
音遠花落明衣濺淚紅淺葬每深貧也嘆薄田難  
備祭而豐推恩共薦承先志咫尺松楸展拜同  
祖層岳朱公墓與先塋比連先君子遺命  
春秋祭掃必另奠一席子孫世爲例焉

又

用俊

鬱鬱松楸蔭墓田臨風展拜淚潸然一杯麥飯作  
寒食日落東風鳴杜鵑

又

光燮 鏊齋

懷恩空泣硯今古有同悲未遂顯揚計聊吟述德

附錄詩

七

詩琴書留手澤松柏長新枝歲歲逢寒食春風奠

一卮

又

詒孫毅士

生遲違撫抱追遠感春秋祖德何時述吟詩涕泗

流

又

光煜 來復

年年兩度拜荒林墓草萋萋一徑深展奠自憐生  
也晚含飴何處博歡心

先君子懷才不遇生平行誼實有可記棄養時  
偉兄第年甫冠耳竊冀稍有寸進或可顯揚萬  
一歲月蹉跎于今十有四年矣四十無聞俯躬  
自悼殊深不孝之罪猶幸 當代大人先生暨  
諸名流不吝銀管表揚俾得信今傳後 偉兄第  
感且不朽因不敢藏寘彙而刊之表傳銘誄讚  
記等文爲一卷諸君子過墓諸什爲一卷并附  
錄同人題句以及 偉兄弟子姪廬墓掃墓諸詩  
于後異時采風之使或因是冊而搜羅先君子  
遺事登諸志乘與先君子遺稿並垂永遠則先  
德不致泯沒而 偉等庶可稍慰也夫嘉慶癸酉  
夏五男國偉謹記

墓田丙舍錄跋

一



04828

